

Regional News Unit AIR Aizawl
Friday, June 28, 2024

Date – 28/06/2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

- Economics & Statistics Department –in Mizote hma hun tur thlir chuan - kum upa, hna thawk thei tawh lo an pung anga, thalai hnathawkthei an tlem thei dawn a ni an ti.
- Mizoramah vawk pulhri -African Swine Fever (ASF) vangin nimin khan vawk 136 thiin vawk 147 suat a ni.
- President Draupadi Murmu-i chuan tunhnaia exam paper putru chungchangah dik taka chhui a ni ang a ti.
- Ja Prime Minister Narendra Modia chuan tun Pathianni khian Mann Ki Baat programme a hmang leh dawn.

<><><>

ECO&STATS

Economics & Statistics Department Director Pu B. Lalrinhlua chuan tun dinhmun atanga Mizote hma hun tur chuan - kum upa, hna thawk thei tawh lo an pung anga, thalai hnathawkthei an tlem thei dawn a ni a ti.

Akashvani corr-in a kawmnaah, Pu B. Lalrinhlua chuan, Mizoram dinhmun siamtha tur chuan thalaite'n thu an awih a ngai, a ti a. Pathian thu awih bakah, ruihtheihthil tih loh leh nun uluk a ngai, a ti a. Kum upa, hna thawk thei tawh lote ngaihsak an ngai a, an hamthatna, rei tak an dam theihna turin mipui leh sorkarin a ngaihtuah a tul a. Khawvel ram hrang hrangte buaina ang zirchiang lova state a kal mawp mawp chuan, Mizote hma hun tur chu - kum upa, hna thawk thei tawh lo an inpel bek bek ang a, thalai hnathawk thei an tlem ang. Ageing Population a tawn theih a, thuawihna nena thalaite'n hun an hman chuan, Population Ageing thleng lovin, dinhmun tha tak, Mizote hian an tawng thei bawk, a ti a ni.

Aizawl District bika pian leh thih dan, Economics & Statistics Dept. Civil Registration System-in a chhinchhiah danin, kum 2022 chhunga mipa piang zat chu 4817 a ni a, hmeichhia 4790 an piang thung. Kum 2023 chhungin mipa piang zat chu 4788 a ni a, hmeichhia 4540 an piang a. Kum 2022 leh 2023 a mipa piang kiamna zat chu 29 a ni a, hmeichhia piang kiamna zat chu 250 a ni. A pumpuia khaikhin chuan naupiang kiamna zat chu 279 a ni.

Kum 2022 khan mipa thi zat hi 2661, hmeichhia 1361 an ni a, kum 2023-ah mipa thi zat chu 2943 a ni a, hmeichhia 1295 an thi a. Mipa hi 168 in an kiam, hmeichhia 66 in an kiam thung a ni. Mipa leh hmeichhe thi zat kiamna hi 234 a ni.

Kum 2024 January atanga April thla thlengin mipa 1475 an piang a, hmeichhia 1406 an piang thung. Kumin January atanga April thla thleng khan mipa thi zat hi 842 a ni a, hmeichhe thi zat hi 436 a ni a, a vaiin mitthi zat hi 1278 a ni a.

Tun dinhmunah Economics & Statistics Dept hnuaiah hian Branch 8 a awm a. Chu'ng zinga pakhat chu Civil Registration System - piang leh thi bakah population chungchang chhinchhiahna a ni.

<><><>

SCHOOL EDUCATION

School Education Minister Dr Vanlalhlana chuan hmasawna kalpui danah science ngaihtuah a tul rualin environment ngaihtuah tel a ngai a ni , a ti a.

He thu hi nimina State Council of Educational Research and Training (SCERT) leh National Council of Education Research and Training (NCERT) in an buatsaih 42nd State Level Science, Mathematics & Environment Exhibition, SCERT tualzawl, Chaltlanga hun hmannaah sawiin School Education Minister chuan thiamna tuantling leh rintlak nei turin tan lak a ngai a ni, a ti a. Thalaite chu intuai hriam tura chahin, Al hmang thiam tura inpuahchah a ngaih thu a sawi bawk a, hmasawna kal chho mil zelin herrem thiam a ngaih rualin nakin hun lokal zel tura him lo laka fimkhur thiam pawh a tul tih a sawi bawk a ni.

42nd State Level Science, Mathematics & Environment Exhibition-ah hian School 13 atangin zirlai eng emaw zat an tel a, an thiamthil hrang hrang model 43 phochhuakin Edu Tech Exhibition Stall 9 siam a ni a, District 5 atangin zirlai an tel thei a ni.

<><><>

HEALTH CARE

Mizoram State Health Care Society (MSHCS) chuan health care scheme thar peih a la nih loh thu an tarlang.

MSHCS thuchhuah tarlan danin, Mizoram State Health Care Scheme policy kal lai mek nikum April thla atanga kumin March thla chu scheme thar hman tur avangin kumin June thlenga hman theih tura pawhsei a ni a; scheme thar hman tura peih a la nih loh avangin kum 2023 April atanga kumin March chhunga inziak lutte tan kumin 2024 thlenga hman chhonzawm leh tur a ni.

Hetih lai hian, kum 2024 July thlenga hun pawhsei hian policy anga sum hman theih chin bituk cheng nuiah hnih hmang zo tawhte a huam lo ang. District-a chief medical officer-te an bial theuhah lo puangzar tura hriattir an ni.

Health minister Lalrinpuii chuan Mizoram sorkarin cheng nuaih 5 thleng pawisa chawi loa Damdawi Ina inenkawl theihna Universal Health Care Scheme a kalpui dawn thu a lo puang tawh a ni.

<><><>

SAITUAL

Saitual District Level Narco Co-ordination committee vawi 17na chu Saitual bawrhsap leh Chairman NCORD ni bawk Dr Lalgura Tlau kaihhrainain nimin khan an thukhawma a,

Chairman Dr Langura Tlau chuan kalkhawmte hnenah mizote chu society khata awm an ni a, ruihhlo leh sualna hrang hrang a lo pun lun zel loh nan ñan lak a ngai a ti a, a ñhalo mi tlemte avangin a ñha tamtakin an tawrh ñhin thu a sawi baw. Ruihhlo avanga zirlai tamtak droup out thinte pawh zir chianga an mimal nun harsatnate hrechiang lehzuala chumi atanga inpuih theih dan kawng dap tlan a ñul thu a sawi baw.

Saitual SP Pu Pukharj Kamal,Secretary NCORD ni baw. chuan dan bawhchhiatna leh a kaihhnawih chungchanga thil thlen dan tlangpui leh dinhmunte a sawifiah a, Report a alan danin sual kawng ti nasa ber chu kum 18-40 inkar an nih thu leh chungte chu ram leh hnam hmaswnna kawnga mawhpurhna nei rual an nih lawi si chu manganthlak a tih thu a sawi baw.

He thutkhawmah hian District Level NCORD member ten ruihhlo do kawnga hma an lakna hrang hrangte report ngaihthlak a ni a,kawng tamtakah theih tawp chhuahin rah ñha a chhuah mek laiin kawng ñhenkhatah harsatna tam tak chinfel hleih theihloh awm rih thu tarlan a ni.

Meeting ah hian Peniel Drop-in-Centre hotute chuan an hmalaknate leh DIC la awmlohna te report pein hmalak ñulnate ngaihthlak a ni a, Chairman chuan memberte hnenah mahni chan department leh NGO theuha theihtawp chhuah thara ñan la thar turin a chah baw.

<><><>

ASF

Animal Husbandry and Veterinary Dept chhinchhiah danin Mizoramah vawk pulhri -African Swine Fever (ASF) vangin vawk 136 thiin vawk 147 suat a ni a.

ASF vang hian Mizoramah kumin January thla atanga vawiin thleng khan vawk 3794 thi nia report a ni a, vawk suat tawh zawng zawng hi vawk 7207 a ni tawh a. Nimin bika vawk thi zat hi Aizawl District ah vawk 82 a ni a, Kolasib District ah vawk 12, Serchhip District ah vawk 27, Khawzawl District ah vawk 15 a ni a. Tihian nimina Mizoram chungah vawk thi zat hi vawk 136 a ni a.

Nimin vek khan Mizoram chungah vawk 147 suat a ni a. Aizawl District ah vawk 31 suat a ni a, Kolasib District ah vawk 20, Serchhip District ah vawk 70 leh Khawzawl District ah vawk 26 a ni baw a ni a.

<><><>

KOLASIB MJA

Kolasib District Mizoram Journalist Association hruaitute chuan nimin khan Kolasib Hmarveng-a Kolasib Agro-Marketing Cooperative Society Ltd (KAMCO) theitui sawrna hmun an tlawh a.

KAMCO hian Kolasib Hmarveng-a Pu C. Rokhuma huan ah Dragon Fruit leh Theiherawt sawrna khawl Packaging Solution bun in, tunlai hian Dragon fruit rah an sawr mek a, an sawr sa; a tui hi hrik leh natna laka him vek turin an um (fermented) a, chu chu litre khat Rs 100/- in an hralh thin. Dragon fruit rah hi Kg khat Rs 200 in an lei thin a, tunlai hi a rah tam lai anih avangin Kg ah Rs 100 in an lei mek a, kumin ah hian quintal 20 an lei tawh niin KAMCO hotute chuan an sawi.

KAMCO hotute chuan Dragon fruit hi ni khat ah quintal 5 an sawr thei a, an sawr sa, a tui chu litre 1000 dawng Tanky pathum ah an um thin a, a hralhna lamah harsatna a awm rihlo niin an sawi a. A tui an sawr bakah hian Dragon fruit rah hi Shillong, Gauhati leh Agartala ah Agent kaltlangin an hralh thin thu KAMCO hotute chuan an sawi a, an khawlah ah hian kum khat chhungin Dragon fruit quintal 50 atanga quintal 80 an sawr thei ani. Kumin hian Kolasib District ah Dragon fruit quintal 1000 vel a thar chhuah an rin thu an sawi bawk.

KAMCO theitui sawr na khawl hi Uttar Pradesh atanga nikum a an chah thlen niin, khawl lei nan leh thil dang atan kum 2022-2023 khan FOCUS atangin Rs nuai 50 vel an hmu a, he khawl hian Dragon fruit bakah Theiherawt rah a sawr thei a, Theiherawt rah hi tualchhung ah Kg ah Rs 10 in an lei a, a tui chu litre khat Rs 100 in an hralh a, a um (fermented) chu ml 300- Rs 100 in an hralh thin thu an sawi.

KAMCO thei tui sawrna khawl hi ram pumah a awm chhun anih thu KAMCO hotute chuan an sawi bawk.

<><><>

SPEAKER

President Draupadi Murmu-i chuan tunhnaia exam paper putru chungchangah dik taka chhui a ni ang a, mawhphurtute chungah na taka hremna pek a ni a ti a. Nimina Parliament in hnih member thukhawm hmaah he thu hi sawiin President Murmu-I chuan Party politics boruak dah tha a, rampum huap hetiang pawikhawihna veng tura tan lak a tul a ti a. Exam buatsaihtu board te pawh siamtha turin hmalak anih thu leh dan khauh tak siam a nih thu a tarlang bawk a ni. President chuan kumin Lok Sabha inthlanah Jammu & Kashmir mipuiten vote tlak that ber tum an siam thei chu ropui a tih thu a sawi a. Tunhma inthlan boruakah harsatna tam tak a thlen thin thu sawiin kuminah vote tha taka a tla chu lawmthu a sawi a ni. President Murmu-i hian ram hmasawanna leh sawrkar hmalakna hrang hrang tarlangin tun kum 10 chhungin khawvela economy lian panganaah India a awm tawh thu a sawi a. Hrileng leh khawvel hmun hrang hranga innghirnghona thleng karah he hlawhtlinna hi neih a ni a ti a. Khawvela economy lian pathumna ni turin sawrkarin theihtawp a chhuah ani a ti bawk. ni.

Hetihlai hian Joint Session-a President thusawi chu Opposition lam chuan sawiselin thil pawimawh ber ber retheihna, thil man sang leh hna nei lo tam lutuk chu a ngaihthah leh si an ti. Congress MP Tariq Anwar chuan chanchinbumite hmaah he thu hi sawiin sawrkar hlawhtlinna chauh an sawilang a ni a ti. Samajwadi Party hruaitu Akhilesh Yadav pawhin President thusawi chu sawiselin khawvela economy lian pangana anih chauh sawilangin hna nei lo an pung tual tual leh loneitute tawrhna chu a ngaihthah leh daih a ti a. Sawrkarin Agniveer Scheme a kalpui danah pawh zawhna a zawt let nghal a ni.

<><><>

PM MANN KI BAAT

Prime Minister Narendra Modia chuan tun Pathianni chawhma dar 11 khian Akashvani kaltlangin mipuite hnena thu a sawina Mann Ki Baat programme a hmang leh dawn a. Mizo tawnga lehlinin a zuiang. Tun tum ami hi episode 111-na tur a ni.

Tun tum hi Prime Minister term thumna atana a chelh leh hnua Mann Ki Baat hun a hman leh hmasak ber tur a ni a. Akashvani leh Doordarshan, AIR News website leh newsonair mobile app ah te ngaihthlak theih a ni ang a. AIR News, DD News, PMO leh Information and Broadcasting Ministry Youtube channel ah te livestream a ni ang.

